

HAGNÝTAR UPPLÝSINGAR FYRIR HLUTHAFA

Eftirfarandi skjöl má nálgast á aðalfundarsíðu Marel, www.marel.com/agm, og á skrifstofu félagsins að Austurhrauni 9, Garðabæ.

- Boðun aðalfundar 2020, dagskrá, tillögur stjórnar til aðalfundar ásamt greinargerð
- Ársskýrsla Marel 2019 – *aðgengileg frá 17. mars 2020 (aðeins á ensku)*
- Ársreikningur Marel fyrir árið 2019
- Endanlegar tillögur fyrir aðalfund 2020
- Endanleg dagskrá aðalfundar 2020, ásamt tillögum hluthafa og endanlegum framboðum til stjórnar félagsins – *aðgengileg frá 15. mars 2020*
- Skýrsla um framkvæmd starfskjarastefnu (aðeins á ensku)
- Tillögur tilnefningarnefndar til stjórnar félagsins (aðeins á ensku)
- Rafræn þátttaka í aðalfundi
- Reglur um rafræna atkvæðagreiðslu (aðeins á ensku)
- Samantekt um hlutafjäreign og atkvæðisrétt hluthafa (aðeins á ensku)
- Upplýsingar um réttindi hluthafa (aðeins á ensku)

Lögmæti hluthafafunda

Aðalfundur er lögmætur, ef hann sækja (taka þátt í) fulltrúar sem hafa yfir að ráða helmingi hlutafjárins hið minnsta. Atkvæði greidd með rafrænum hætti fyrir fundinn teljast til þátttöku á fundinum.

Réttur til þátttöku á aðalfundi

Rétt til þátttöku á aðalfundi hafa hluthafar, umboðsmenn hluthafa, endurskoðendur félagsins og forstjóri, þótt ekki sé hluthafi. Þá getur stjórnin boðið sérfræðingum setu á einstökum fundum, ef leita þarf álits þeirra eða aðstoðar.

Íslensk hlutafélagalög gera ekki ráð fyrir að ákveðinn sé réttindadagur (e. record date) sem ákvarðar rétt hluthafa til þátttöku á aðalfundi. Nánari upplýsingar um hvernig hluthafar geta sýnt fram á hlutafjäreign sína í Marel á aðalfundardegi er að finna hér að neðan: *Mæting á hluthafafund*

Eigi margir hlut saman geta þeir aðeins beitt réttindum sínum í félaginu með sameiginlegum umboðsmanni.

Rafræn mæting á aðalfund

A. Hlutabréf skráð á Nasdaq Íslandi

Hluthafar og umboðsmenn þeirra sem hyggja á að mæta rafrænt á aðalfundinn verða að skrá þátttöku sína fyrirfram á fundinn fyrir klukkan 12:00 GMT/13:00 CET á fundardegi í [hluthafagátt](#) á vefsíðu Marel.

Aðgangsauðkenni (notendanafn og lykilorð) eru nauðsynleg til að fá aðgang að hluthafagáttinni. Aðgangsauðkenni voru send með bréfpósti til allra hluthafa sem skráðir voru með gilt heimilisfang í hlutaskrá Marel þann 19. febrúar 2020.

Hluthafar sem ekki hafa fengið send aðgangsauðkenni geta óskað eftir þeim í hluthafagáttinni, með því að slá inn kennitölu sína í neðri af tveimur reitum sem sjást í hluthafagáttinni. Vinsamlegast athugið að ekki er mögulegt að óska eftir aðgangsauðkennum í upphafi með því að slá inn tölvupóstfang í efri reitinn.

Í ljósi þess að það getur tekið nokkra daga að fá aðgangsauðkenni send í bréfpósti, eru hluthafar hvattir til þess að fara tímanlega fyrir aðalfundinn inn í hluthafagáttina. Ef upp koma vandamál, vinsamlegast hafið samband við agm@marel.com til að fá aðstoð.

Til þess að geta mætt rafrænt á aðalfundinn er nauðsynlegt að skrá tölvupóstfang sitt í hluthafagáttina. Það er gert með því að fara í "Personal data" og slá inn tölvupóstfang. Upplýsingar sem eru nauðsynlegar hluthöfum til að geta mætt rafrænt á aðalfundinn verða sendar hluthöfum í gegnum tölvupóstfangið sem skráð er (auðkenni fundarins, notendanafn og lykilorð).

Rafrænn aðalfundur, þ.m.t. vefstreymi, rafræn atkvæðagreiðsla og möguleiki til að senda inn skriflegar spurningar munu fara fram með [Lumi AGM veflausninni](http://web.lumiagm.com/109544585) (web.lumiagm.com/109544585) og Lumi AGM snjallforritinu, sem hægt er að nálgast í iOS App Store og Google Play Store með því að leita og hlaða niður "LUMI AGM".

Hluthafar sem hafa kosið rafrænt fyrir aðalfundinn geta mætt rafrænt á fundinn ef þeir hafa skráð þátttöku sína fyrirfram eins og fjallað er um að ofan.

Hluthafar sem eiga bæði hlutabréf skráð á Nasdaq Íslandi og Euronext Amsterdam verða að fylgja leiðbeiningum fyrir báðar kauphallirnar til að geta mætt rafrænt á aðalfundinn og greitt atkvæði fyrir allan eignarhlut sinn.

B. Hlutabréf skráð á Euronext í Amsterdam

Hluthafar sem eiga hlutabréf skráð á Euronext Amsterdam halda utan um hluti sína undir hollensku fyrirkomulagi (e. Dutch giro system) og eru því ekki skráðir á eigin nafn í hlutaskrá Marel.

Hluthöfum er ráðlagt að hafa samband við vörsluaðila sinn eins fljótt og auðið er og tilkynna honum um fyrirhugaða rafræna þátttöku á aðalfundinum. Vörsluaðilar munu veita hluthöfum upplýsingar um hvernig þeir skuli bera sig að til að taka þátt í aðalfundinum rafrænt og láta þeim í té aðgangsauðkenni og aðrar upplýsingar.

Upplýsingar um skráningu á rafrænan aðalfund skulu berast Marel eigi síðar en klukkan 12:00 GMT/13:00 CET á fundardegi. Vinsamlegast athugið að vörsluaðilar kunna að þurfa tíma til að vinna úr innsendum upplýsingum frá hluthöfum og/eða gætu sett strangari tímamörk á móttöku fyrir mæla varðandi aðalfundinn.

Hluthafar sem hafa kosið rafrænt fyrir aðalfundinn geta mætt rafrænt á fundinn ef þeir hafa skráð þátttöku sína fyrirfram eins og fjallað er um að ofan.

Hluthafar sem eiga bæði hlutabréf skráð á Nasdaq Íslandi og Euronext Amsterdam verða að fylgja leiðbeiningum fyrir báðar kauphallirnar til að geta mætt rafrænt á aðalfundinn og greitt atkvæði fyrir allan eignarhlut sinn.

Mæting á aðalfund á fundarstað

Vegna útbreiðslu COVID-19 eru hluthafar, umboðsmenn þeirra, ráðgjafar og aðrir gestir eindregið hvattir til rafrænnar þátttöku í aðalfundinum, hvort sem er með rafrænni atkvæðagreiðslu fyrir fundinn eða með því að mæta rafrænt á fundinn.

Hluthafar, umboðsmenn þeirra, ráðgjafar og aðrir gestir eru hvattir til að fylgja leiðbeiningum landlæknis í tengslum við COVID-19. Farið verður fram á að allir þeir sem sækja aðalfundinn fylli út spurningalista á fundarstað, sem m.a. inniheldur spurningar varðandi ferðalög til svæða sem skilgreind hafa verið sem áhættusvæði og hugsanleg flensulík einkenni.

A. Hlutabréf skráð á Nasdaq á Íslandi

Hluthafar sem mæta á aðalfund verða að vera skráðir með nafni í hlutaskrá félagsins eða geta með öðrum hætti fært sönnur á eign sína á hlutum í félaginu.

Hluthafi getur veitt einum eða fleiri aðilum umboð fyrir sína hönd til þess að sækja fundinn, taka til máls og greiða atkvæði. Hluthafar geta veitt umboð í gegnum hluthafagátt, sem nálgast má á vefsíðu Marel, <https://marel.com/investors/shareholder-center/>. Umboðsmenn hluthafa og aðilar sem mæta á fund fyrir hönd hluthafa sem er lögaðili verða að framvísa gildu umboði þegar komið er á fundinn.

Allir þeir sem taka þátt í aðalfundinum verða að sanna á sér deili þegar komið er á fundinn með því að framvísa gildum skilríkjum. Vegabréf, nafnskírteini, ökuskrírteini og greiðslukort með mynd af korthafa teljast vera gild skilríki.

Til að hraða skráningu á fundarstað eru hluthafar hvattir til að skrá þátttöku sína fyrir fundinn í gegnum hluthafagáttina. Í hluthafagáttinni geta hluthafar einnig séð hlutfjárteign sína eins og hún er skráð í hlutaskrá félagsins.

B. Hlutabréf skráð í Euronext Amsterdam

Hluthafar sem eiga hlutabréf í Marel skráð í Euronext Amsterdam, halda á hlutabréfum sínum undir hollensku fyrirkomulagi (e. Dutch giro system) og eru því ekki skráðir í eigin nafni í hlutaskrá Marel. Hluthafar sem eiga hlutabréf skráð í Euronext Amsterdam (eða eftir atvikum umboðsmenn þeirra) sem hyggjast mæta á aðalfundinn, skulu eins fljótt og auðið er, tilkynna vörsluaðila sínum um fyrirætlanir sínar og skrá mætingu sína á fundinn fyrirfram. Til þess að fyrirmæli hluthafans séu gild þarf hann að vera hluthafi á aðalfundardegi þann 18. mars 2020. Allar skráningar á aðalfundinn verða að hafa borist félaginu fyrir klukkan 12:00 þann 18. mars 2020. Hluthafar (umboðsmenn hluthafa) munu fá send aðgangskort á fundinn frá vörsluaðila sínum sem þeir munu þurfa að framvísa við komu á aðalfundinn, sem sönnun á eignarrétti á hlutabréfum í félaginu, auk gildra skilríkja. Vegabréf, nafnskírteini, ökuskrírteini og greiðslukort með mynd af korthafa teljast vera gild skilríki.

C. Hluthafar og umboðsmenn hluthafa sem eiga bæði hlutabréf skráð á Nasdaq á Íslandi og í Euronext Amsterdam

Hluthafar og umboðsmenn hluthafa sem mæta á aðalfundinn og eiga bæði hlutabréf skráð á Nasdaq á Íslandi og í Euronext Amsterdam verða að fylgja leiðbeiningum sem koma fram í stafliðum A og B hér að framan, óháð því hvort um íslenskan eða erlendan aðila er að ræða. Hluthöfum er bent á að það er ekki nægjanlegt að fylgja eingöngu öðrum hvorum stafliðnum ef hluthafi ætlar að nýta sér allan atkvæðisrétt sinn á aðalfundinum.

D. Ráðgjafar hluthafa og aðrir boðsgestir sem mæta á aðalfundinn

Ráðgjafar hluthafa sem mæta á fundinn verða að skrá sig við inngang fundarins á sama tíma og sá hluthafi sem þeir veita ráðgjöf, nema þátttaka þeirra á fundinn hafi verið skráð fyrirfram. Aðrir boðsgestir skulu einnig skrá sig við inngang fundarins. Ráðgjafar og aðrir boðsgestir sem mæta á fundinn án þess að vera hluthafar eða umboðsmenn þeirra munu fá afhent nafnspjald sem á stendur "Gestur" sem þeir skulu bera á fundinum.

Rafræn atkvæðagreiðsla fyrir aðalfund

Hluthafar sem ekki mæta á aðalfundinn (eða umboðsmaður fyrir þeirra hönd) sem vilja greiða atkvæði um þær tillögur sem fyrir aðalfundinum liggja, geta greitt atkvæði rafrænt fyrir aðalfundinn, eins og kveðið er á um í Reglum um rafræna atkvæðagreiðslu, sem settar eru af stjórn félagsins og dagsettar eru 19. febrúar 2020. Reglur um rafræna atkvæðagreiðslu má nálgast í heild sinni á ensku á aðalfundarsíðu félagsins, www.marel.com/agm. Atkvæði sem greidd eru með rafrænum hætti fyrir aðalfundinn verða að hafa borist félaginu fyrir kl. 12:00 þann 18. mars 2020 með þeim hætti sem fram kemur hér á eftir. Hluthafar munu ekki geta greitt atkvæði með rafrænum, eða öðrum hætti eftir þann tíma nema þeir mæti á fundinn eða umboðsmaður fyrir þeirra hönd.

A. Rafræn atkvæðagreiðsla vegna hlutabréfa sem skráð eru á Nasdaq á Íslandi

- Hluthafar sem eiga hlutabréf sem skráð eru á Nasdaq á Íslandi geta greitt atkvæði rafrænt í gegnum hluthafagátt, sem aðgengileg er á vefsíðu Marel, <https://marel.com/investors/sharholder-center/>. Hluthafagáttin er opin fyrir atkvæðagreiðslu frá og með boðun aðalfundarins til klukkan 12:00 þann 18. mars 2020. Hluthafar geta breytt/dregið til baka atkvæðagreiðslu sína allt þar til lokað er fyrir rafræna atkvæðagreiðslu í gegnum hluthafagáttina.

- **Vinsamlegast athugið að hluthafar verða skrá sig inn í hluthafagáttina með því að slá inn notendanafn og lykilorð. Hluthafar eru hvattir til þess að prófa/sækja um aðgangsauðkenni sín eins fljótt og auðið er, þar sem það getur tekið upp undir 5 virka daga fyrir aðgangsauðkenni að berast hluthöfum. Ef vandamál koma upp, vinsamlegast hafið samband við agm@marel.com til að fá aðstoð.**
- Notendanöfn og lykilorð fyrir hluthafagáttina voru send öllum hluthöfum sem áttu hlutabréf skráð á Nasdaq á Íslandi og voru með gilt heimilisfang skráð í hlutaskrá Marel þann 19. febrúar 2020. Notendanöfn og lykilorð sem gefin eru út í fyrsta skipti eru eingöngu send með hefðbundnum pósti á heimilisfang hluthafa eins og það er skráð í hlutaskrá Marel.
- Hluthafar geta einnig óskað eftir notendanafni og lykilorði í gegnum hluthafagáttina á vefsíðu Marel, <https://marel.com/investors/shareholder-center/>, með því að slá inn kennitölu í neðra boxið á síðunni. Eins og fram hefur komið verða notendanöfn og lykilorð sem gefin eru út í fyrsta skipti eingöngu send með hefðbundnum pósti og það getur tekið allt að 5 virka daga fyrir þau að berast hluthöfum og eru hluthafar því hvattir til að sækja um aðgangsauðkenni með góðum fyrirvara fyrir aðalfundinn.
- Hluthafar geta greitt tillögum atkvæði með því að velja á milli valmöguleikanna **MED** (e. FOR), **MÓTI** (e. AGAINST) eða **SIT HJÁ** (e. ABSTAIN) á rafrænum atkvæðaseðli í hluthafagáttinni. Athygli er vakin á því að hluthafagáttin er aðeins aðgengileg á ensku.
- Nýir frambjóðendur gætu komið fram eftir að opnað hefur verið fyrir rafræna atkvæðagreiðslu í hluthafagáttinni, þar sem frambjóðendur hafa þar til 5 dögum fyrir hluthafafund til að tilkynna framboð sitt í stjórn félagsins.
- Hluthafar sem ráða yfir minnst 1/10 hlutfjár í félaginu geta krafist þess að hlutfalls-, eða margfeldiskosningu verði beitt við stjórnarkjör í félaginu. Hluthafar hafa þar til 5 dögum fyrir hluthafafund til að koma fram með þessa kröfu til stjórnar félagsins. Komi fram krafa um hlutfalls- eða margfeldiskosningu munu viðeigandi breytingar verða gerðar á hluthafagáttinni til að hún geti tekið við atkvæðum samkvæmt hinni nýju kosningareglu. Verði atkvæði sem hafa verið greidd í gegnum hluthafagáttina óbreytt eftir að kosningareglunni var breytt verður litið svo á að atkvæði greidd frambjóðendum til stjórnar skiptist í jöfnum hlutföllum á milli þeirra.
- Samkvæmt grein 4.22 í samþykktum Marel, er heimilt að bera upp löglega frambornar viðauka- og breytingartillögur á fundinum sjálfum, enda þótt þær hafi ekki áður legið frammi hluthöfum til sýnis. Atkvæði sem hafa verið greidd rafrænt fyrir fundinn í gegnum hluthafagáttina skoðast sem greidd upphaflegu tillögum og á móti viðauka-/breytingartillögum.
- Hluthafar sem hafa greitt atkvæði rafrænt í hluthafagáttinni geta mætt á aðalfund og greitt þar atkvæði. Hluthafi getur tekið ákvörðun um það hvort atkvæði greidd í gegnum hluthafagáttina skuli gilda og hann sækir fundinn þá án þess að hafa þar atkvæðisrétt, eða hvort atkvæði greidd í hluthafagáttinni verði felld niður.
- Marel ber ekki ábyrgð á því ef hluthafar geta ekki skráð sig tímanlega inn í hluthafagáttina til að greiða atkvæði rafrænt, vegna skorts á notendanafni og lykilorði, tæknilegra erfiðleika eða vegna annarra vandamála sem upp geta komið. Marel ber ekki ábyrgð á því ef hluthafi greiðir atkvæði byggt á dagskrá sem er ekki endanleg eða byggt á kosningareglum sem síðar hefur verið breytt vegna framkominnar kröfu um hlutfalls- eða margfeldiskosningu.

B. Rafræn atkvæðagreiðsla vegna hlutabréfa sem skráð eru í Euronext Amsterdam

- Rafræn atkvæðagreiðsla vegna hlutabréfa sem skráð eru í Euronext Amsterdam er í gegnum vefgátt í umsjón ABN AMRO Bank NV, sem er umboðsaðili Marel vegna hlutabréfa skráðra í Euronext Amsterdam vegna aðalfundarins. Rafræn atkvæðagreiðsla vegna hlutabréfa sem skráð eru í Euronext Amsterdam er á grundvelli umboðs sem útgefið er af Euroclear Nederland, sem lagalegs eiganda allra hlutabréfa í Marel sem skráð eru í Euronext Amsterdam, til endanlegra eigenda, sem eiga hlutfallsleg réttindi í gegnum Euroclear Nederland (hluthafar). Þetta gerir hluthöfum kleift að nýta atkvæðisrétt sinn og sækja hluthafafundi, eða gefa fyrir máli varðandi atkvæðisrétt sinn eða mætingu á fundinn.
- Hluthöfum er ráðlagt að hafa samband sem fyrst við vörsluaðila sinn til að fá nánari upplýsingar um hvernig greiða skal atkvæði rafrænt fyrir aðalfundinn.
- Nýir frambjóðendur gætu komið fram eftir að opnað hefur verið fyrir rafræna atkvæðagreiðslu í vefgáttinni, þar sem frambjóðendur hafa þar til 5 dögum fyrir hluthafafund til að tilkynna framboð sitt í stjórn félagsins.
- Hluthafar sem ráða yfir minnst 1/10 hlutfjár í félaginu geta krafist þess að hlutfalls-, eða margfeldiskosningu verði beitt við stjórnarkjör í félaginu. Hluthafar hafa þar til 5 dögum fyrir hluthafafund til að koma fram með þessa kröfu til stjórnar

félagsins. Komi fram krafa um hlutfalls- eða margfeldiskosningu munu viðeigandi breytingar verða gerðar á vefgáttinni til að hún geti tekið við atkvæðum samkvæmt hinni nýju kosningareglu. Verði atkvæðum sem hafa verið greidd í gegnum vefgáttinni ekki breytt eftir að kosningareglunni var breytt verður litið svo á að atkvæði greidd frambjóðendum til stjórnar skiptist í jöfnum hlutföllum á milli þeirra.

- Rafræn atkvæði greidd í gegnum vefgáttina verða að hafa borist félaginu fyrir klukkan 12:00 GMT / 13:00 CET þann 18. mars 2020. Atkvæði greidd eftir þennan tíma eru ógild. Vörsluaðilar kunna að loka fyrir rafræna atkvæðagreiðslu fyrir framangreindan tímafrestr. Marel ber ekki ábyrgð á því ef hluthafar ná ekki að greiða atkvæði, geta ekki greitt atkvæði um endanlegar tillögur sem bætt hefur verið á dagskrá fundarins, eða greitt atkvæði á grundvelli breyttra kosningarreglna, vegna þess að vörsluaðili hefur lokað fyrir atkvæðagreiðslu fyrir framangreindan tímafrestr.
- Samkvæmt grein 4.22 í samþykktum Marel, er heimilt að bera upp löglega frambornar viðauka- og breytingartillögur á fundinum sjálfum, enda þótt þær hafi ekki áður legið frammi hluthöfum til sýnis. Atkvæði sem hafa verið greidd rafrænt fyrir fundinn í gegnum vefgáttina skoðast sem greidd upphaflegu tillögum og á móti viðauka-/breytingartillögum.
- Marel ber ekki ábyrgð á því ef hluthafar geta ekki greitt atkvæði rafrænt fyrir aðalfundinn í gegnum vörsluaðila sinn, vegna tæknilegra örðugleika eða annarra vandamála sem upp kunna að koma og koma í veg fyrir að þeir geti greitt atkvæði í gegnum viðkomandi vörsluaðila.

C. Rafræn atkvæðagreiðsla hluthafa sem eiga bæði hlutabréf skráð á Nasdaq á Íslandi og Euronext Amsterdam

Hluthafar sem eiga bæði hlutabréf skráð á Nasdaq á Íslandi og Euronext Amsterdam, sem vilja greiða atkvæði rafrænt fyrir aðalfundinn, verða að fylgja leiðbeiningum undir stafliðum A og B hér að ofan, óháð því hvort um er að ræða íslenska eða erlenda aðila. Hluthöfum er bent á að hvorki er mögulegt að greiða rafrænt atkvæði vegna hlutabréfa sem skráð eru í Euronext Amsterdam í gegnum Computershare hluthafagáttina, né greiða atkvæði rafrænt vegna hlutabréfa sem skráð eru á Nasdaq á Íslandi í gegnum vefgátt ABN AMRO.

Rafræn atkvæðagreiðsla á aðalfundinum (hluthafar og umboðsmenn þeirra)

Atkvæðagreiðsla á aðalfundinum verður með rafrænum hætti og notaðir verða snjallsímar eða spjaldtölvur þar sem Lumi AGM snjallforritinu hefur verið hlaðið niður eða í gegnum Lumi AGM veflausnina.

Hluthafar eru hvattir til að hlaða niður Lumi AGM snjallforritinu á snjalltæki sitt, t.d. farsíma eða spjaldtölvu áður en mætt er á fundinn. Lumi AGM snjallforritið má finna með því að leita að "LUMI AGM" í iOS App Store eða í Google Play Store. Þeir hluthafar sem ekki vilja hlaða snjallforritinu niður á snjalltæki sitt fyrir fundinn geta greitt rafrænt atkvæði í gegnum veflausnina á slóðinni, web.lumiagm.com

Auðkenni fundarins (e. Meeting ID), notendanafn og lykilorð vegna rafrænnar atkvæðagreiðslu á fundinum verða afhent við inngang fundarins og til þeirra sem hafa skráð rafræna þátttöku á fundinn með tölvupósti á það netfang sem skáð hefur verið í hluthafagáttina (hlutabréf skráð á Nasdaq Íslandi) eða í gegnum vörsluaðila (hlutabréf skráð á Euronext í Amsterdam).

Hluthafar eru minntir á að gæta þess að símar þeirra séu nægjanlega hlaðnir þegar þeir koma á fundinn.

Tæknileg aðstoð verður veitt bæði fyrir fundinn og á meðan á honum stendur, auk þess sem auka snjalltæki verða til staðar fyrir þá sem ekki eru með eigið snjalltæki.

Leiðbeiningar fyrir rafræna atkvæðagreiðslu með LUMI AGM snjallforritinu og veflausninni

1. Fyrir aðalfundinn hlaðið niður Lumi AGM snjallforritinu í gegnum iOS App Store eða Google Play Store með því að leita og hlaða niður "LUMI AGM".

Ef Lumi AGM snjallforritinu hefur ekki verið hlaðið niður áður en komið er á aðalfundinn, er óskað eftir því að í staðinn verði LUMI veflausnin notuð með því að slá inn eftirfarandi slóð í vafra snjalltækisins: web.lumiagm.com/109544585

2. Þegar Lumi AGM snjallforritið hefur verið opnað eða Lumi AGM vefslóðin hefur verið slegin inn verður beðið um að auðkenni fundarins (e. Meeting ID) séu slegin inn og notendaskilmálar snjallforritsins samþykktir. Auðkenni fundarins verður prentað á skráningarblöð sem afhent eru við innganginn á fundinn, auk þess að vera sýnilegt í fundaraðstöðunni sjálfri. Fyrir þá sem mæta rafrænt á fundinn verða aðgangsauðkenni afhent í tölvupósti á það netfang sem skráð var í hluthafagáttina við skráningu á fundinn (hlutabréf skráð á Nasdaq Íslandi) eða fyrir milligöngu vörsluaðila (hlutabréf skráð á Euronext í Amsterdam).
3. Næst er beðið um að slegið verði inn notendanafn og lykilorð, sem er einnig að finna á skráningarblaði sem afhent er við innganginn á fundinn eða hefur verið sent með tölvupósti/fyrir milligöngu vörsluaðila fyrir þá sem mæta rafrænt á aðalfundinn.
4. Fundarstjóri mun tilkynna hvenær opið og lokað er fyrir atkvæðagreiðslu vegna hvernar tillögu. Þegar opnað hefur verið fyrir atkvæðagreiðslu um tillögu birtast kosningavalmöguleikar. Til að kjósa er þrýst á þann valkost sem valinn er. Kosturinn sem hefur verið valinn er merktur með lit. Mögulegt er að breyta vali sínu á meðan opið er fyrir kosningu um tillöguna en ekki eftir að fundarstjóri hefur tilkynnt um að búið sé að loka fyrir kosningu um tillöguna. Fundarstjóri getur lýst því yfir að kjósa skuli um fleiri en eina tillögu samtímis.

Vefútsending

Hluthafar sem hafa skráð rafræna mætingu á aðalfundinn geta nálgast vefútsendingu í rauntíma í gegnum Lumi snjallforritið og Lumi veflausnina.

Upptaka af skýrslu stjórnar og skýrslu forstjóra verður aðgengileg að fundi loknum á slóðinni www.marel.com/agm.